

# MIMPI DAN TABIRNYA

## Menurut Penjelasan al-Quran al-Karīm dan al-Hadis al-Sharīf

Sungguhpun perkara ini tidak sama mustahaknya dengan hukum halal

haram, tetapi elok juga diketahui kedudukannya yang sebenarnya.

Di dalam al-Hadis al-Sharīf ada dijelaskan tentang

soal “mimpi” ini.

Dalam suatu hadis saih yang diriwayatkan

oleh Muslim, bahawa Rasulullah (S.A.W) bersabda:

*Aṣdaqahum ru'yan aṣdaqahum ḥadīthan.*

Ertinya: “Orang yang amat benar mimpiya ialah orang

yang amat benar perkataannya”.

Dalam suatu hadis saih yang lain, yang

diriwayatkan oleh al-Bukhari, bahawa Rasulullah (SAW)

bersabda:

*Al-ru'ya al-ṣālihah min Allāh wa al-hilm min al-shaitān,*

*fā idha haluma aḥadukum fālyata 'awwadhu wa liyubaṣṣiqū 'an shiṁālihī fā innahā  
lā taḍurruhu.*

Ertinya: “Mimpi yang baik itu dari Allah, dan

Mimpi yang kacau itu dari syaitan. Oleh sebab

itu, barangsiapa bermimpi dengan mimpi yang kacau,

hendaklah ia berlindung diri kepada Allah (dengan membaca

*a 'ūdhubillāhi min al-shaytān al-rajīm*), dan berludah ke sebelah

kiri, maka yang demikian itu tidak akan membahayakan

dia”.

Dalam suatu hadis saih lagi, yang

diriwayatkan oleh al-Bukhari juga, Rasulullah

(SAW) bersabda:

*Izā ra'ā aḥadukum ru'ya yuḥibuhā fā innamā hiya min Allāh,*

*fa lā yahmid Allāh 'alaihā wa yaḥdithu bihā; wa izā ra'ā ghayru zālik  
mimmā yakrahu fā innamā hiya min al-shaitān fa lā yasta'iz min sharrihā  
wa lā yazkuru hā li ahadīn fā innahā la taḍurruhū.*

Ertinya: “Apabila seorang dari antara kamu

bermimpi dengan mimpi yang ia sukai, maka hendaklah

ia memuji akan mimpi yang baik itu, dan juga

hendaklah ia cerita mimpi itu kepada orang lain,

dan apabila ia bermimpi dengan yang lain daripada itu

(yakni dengan mimpi yang tidak menyukai hati), maka

yang demikian itu hanya daripada syaitan. Oleh sebab itu,

hendaklah ia berlindung diri kepada Allah daripada

kejahatannya, dan janganlah ia ceritakan kepada sesiapa.

Sesungguhnya yang demikian itu tidak akan membahayakan

dia.”

Dalam hadis-hadis lain yang diriwayatkan oleh

al-Bukhārī dan Muslim ada tersebut sabda Nabi (SAW),

bahawa kalau seorang bermimpi dengan mimpi yang tidak

baik, hendaklah ia bangun sembahyang; dan kalau ia bermimpi dengan mimpi yang baik, janganlah ia ceritakan melainkan kepada orang yang ia suka.

Dalam hadis yang diriwayatkan oleh Muslim ada tersebut: seorang I'rabi (orang 'Arab penduduk desa) datang berjumpa dengan Nabi (SAW) lalu berkata:

Saya bermimpi kepala saya dipotong orang lalu bergolek saya mengejar (kepala itu). Mendengarkan itu Rasulullah (S.A.W) bersabda: "Jangan engkau bercerita kepada orang-orang tentang permainan syaitan atas dirimu."

Dari hadis-hadis yang tersebut, dan dari beberapa hadis lagi yang sama maksudnya, mengetahui lah kita bahawa:

1) Kalau seorang yang bertabiat pembohong, maka mimpi nya juga bohong – tak dapat dita'birkana.

2) Mimpi yang menyukakan hati itu adalah datangnya dari Allah, dan sebaliknya mimpi yang kacau itu, hendaklah kita berlindung diri kepada Allah daripada angkara syaitan (dengan membaca *a'ūzubillāhi minal-shaitāni al-rajīm*), kemudian hendaklah kita berludah ke sebelah kiri, selepas itu bangun sembahyang sunat. Demikian juga, janganlah diceritakan mimpi itu kepada sesiapa pun.

Dalam al-Quran al-Karīm, soal mimpi ini ada dijelaskan oleh Allah 'Azza wa Jalla dalam beberapa ayat seperti berikut:

1) Dalam surah Yūsuf, ayat 4, ada tersebut, Nabi Yusuf bermimpi melihat sebelas bintang, matahari dan bulan sujud kepadanya.

Mimpi ini ta'birnya ialah sebagaimana yang tersebut dalam ayat yang ke 100 dari surah Yūsuf itu

juga, iaitu Nabi Yusuf dapat memegang kuasa pemerintahan negara.

2) Di dalam surah al-Sāffāt, ayat 120 – 108, Nabi Ibrahim bermimpi melihat anaknya (Ismail).

Nabi Ibrahim pun bermesyuarat dengan anaknya itu yang telah menunjukkan redha ia disembelih. Setelah ia dibaringkan dan hendak disembelih, Nabi Ibrahim mendengar suara mengatakan benar (ta'bir) mimpi itu. Tiba-tiba Allah melarangnya menyembelih anaknya itu, lalu digantikan dengan seekor kibash.

3) Dalam surah Yūsuf ayat 36, ada dua orang yang masuk penjara bersama-sama dengan Nabi Yusuf, seorang di antaranya bermimpi melihat dirinya memerah anggur untuk dibuat arak, dan yang seorang lagi bermimpi melihat dirinya menjunjung roti yang sedang dimakan oleh burung.

Ta'birnya daripada Nabi Allah Yusuf ada tersebut di dalam ayat yang ke 41, iaitu bahawa orang yang pertama itu akan menjadi penuang arak bagi rajanya, dan orang yang kedua akan disula dan akan dimakan oleh burung dari kepalanya.

4) Dalam surah Yūsuf juga, ayat 43, Raja Mesir bermimpi melihat tujuh ekor lembu yang gemuk dimakan oleh tujuh ekor lembu yang kurus, dan melihat tujuh tangkai gandum yang hijau dan tujuh tangkai yang kering.

Dalam ayat yang ke 47 – 49, Nabi Yusuf ta'birkana, bahawa orang yang bermimpi itu akan berladang tujuh tahun seperti biasa, maka apa yang akan dituai itu hendaklah dibiarkan di dalam tangkainya, kecuali sedikit yang hendak dimakan. Kemudian daripada itu –

katanya lagi – akan datang tujuh tahun yang penuh dengan kemarau dan kebuluran, yang akan menghabiskan simpanan gandum itu, sesudah itu, akan datang tahun-tahun yang makmur.

5). Rasulullah (SAW) pernah bermimpi masuk ke Makkah dan bertawaf di Bayt Allah, lalu baginda ceritakan mimpi itu kepada sahabat-sahabatnya. Mereka sukacita mendengarnya kerana mereka sangka hal itu akan berlaku pada tahun itu juga; oleh sebab berlakunya perdamaian dengan kaum musyrikin dan Rasulullah (SAW) tak dapat masuk ke Makkah pada tahun itu, maka di antara sahabat-sahabat ada yang jadi was-was. Sayidina ‘Umar pun bertanya kepada Rasulullah, lalu baginda menjawab: Adakah aku berkata, bahawa kita akan masuk ke Makkah tahun ini? Tidak, sahut Sayidina ‘Umar. “Kamu akan masuk ke Makkah dan akan tawaf di sana kelak” Sabda baginda lagi.

Oleh sebab itu, Allah ‘Azza wa Jalla berfirman di dalam surah al-Fath, ayat 27,: Bahawa Allah dan Rasul-Nya benar di dalam mimpi itu. Insya-Allah kamu akan masuk ke Makkah.

Di dalam kitab-kitab hadis Bukhārī dan Muslim ada dijelaskan dengan lebih lanjut tentang hadis-hadis mimpi dan hadis ta’bir mimpi yang disajikan khas dalam suatu bab yang bernama “Kitāb al-Ta’bīr”. (Lihat *Fath al-Bārī* 12: 283 – 359, dana syarah Muslim – Nawawi – 15: 35 16)

1). Barang siapa bermimpi melihat Rasulullah (S.A.W), maka begitulah rupa Rasulullah (S.A.W) yang sebenarnya, kerana syaitan tidak akan boleh datang dengan menyerupai Rasulullah (S.A.W)

2). Rasulullah (S.A.W) pernah bermimpi Allah kurniakan kepadanya kunci harta dunia.

3). Rasulullah (S.A.W) pernah bermimpi melihat Nabi Isa dan Dajjal di Makkah.

4). Rasulullah (S.A.W) pernah bermimpi, sebahagian daripada ummatnya berperang dengan menyeberang laut. Lalu Ummu Harām bintu Milhan meminta Rasulullah (S.A.W) doakan dia menjadi seorang daripada orang-orang yang pergi berperang dengan menyeberang laut itu. Baginda pun doakan dia. Pada zaman Mu’āwiyah, Ummu Harām ini telah dapat mengharungi peperangan itu seperti yang dipintanya. Ia telah menaiki kapal dan setibanya di daerah ia jatuh lalu meninggal dunia.

5) . Ummu al-A’lā berkata: Saya bermimpi melihat sebatang sungai kepunyaan Uthman ibn Mat’ūn sedang mengalir. Saya pun ceritakan mimpi saya itu kepada Rasulullah (SAW), lalu baginda bersabda: Yang demikian itu ialah amalnya.

6). Rasulullah (SAW) pernah bermimpi diberi susu satu piala. Setelah diminum dan merasa puas, baginda berikan lebihnya kepada Sayidina Umar. Sahabat-sahabat pun bertanya: Apa ta’birnya? “Itu ialah ilmu”, sahut baginda.

7). Rasulullah (SAW) bermimpi melihat orang pakai baju: Ada yang sampai dada, ada yang sampai ke bawah lagi, kemudian baginda melihat Saidina Umar pakai baju sampai meleret ke tanah. Sahabat-sahabat bertanya: Apa ta’birnya? “Itu ialah agama” sahut baginda.

8). Abdullah ibn Salām pernah bermimpi melihat: sebuah mahligai yang berwarna hijau. Di situ tercacak sebatang tiang dan di hujungnya ada seutas tali.

Penjaga mahligai itu suruh ia naik, lalu ia naik hingga dapat mencapai tali itu. Hal itu diceritakan orang kepada Nabi lalu baginda bersabda: ‘Abdullah ibn Salām tetap akan memegang Islam dengan sebenarnya sampai matinya.

9). Rasulullah (SAW) pernah bermimpi melihat malaikat membawa kelambu sutera lalu baginda suruh buka, dan malaikat itu pun membukanya. Tiba-tiba kedapatan Ā’ishah di dalamnya (sebelum kahwin), dan dikhabarkan kepada Rasulullah (SAW): Inilah isteri tuan. Lalu baginda bersabda: Kalau perkara ini benar dari Allah biarlah ia teruskan.

Sesudah itu baginda berkahwin dengan ‘Ā’ishah.

10). Ibn Umar bermimpi melihat di tangannya sehelai kain sutera itu ke tempat yang ia kehendaki. Ia pun menceritakan hal itu kepada saudaranya Hafṣah (isteri Nabi) dan Hafṣah pula bertanyakan ta’birnya kepada Nabi (S.A.W), lalu baginda bersabda: Saudaramu itu orang soleh.

11). Rasulullah (S.A.W) bermimpi air dari sebuah perigi, lalu datang Abū Bakar menimba dua kali, kemudian Umar mengambil timba itu dari tangan Abū Bakar, tiba-tiba timba itu jadi besar dan Umar pun menimba sampai puas menuisia mendapat air.

Ulama ta’birkan, bahawa Abū Bakar mengambil timba dari Nabi itu maknanya ia menggantikan Rasulullah (khalifahnya) dan Umar mengambil timba dari Abū Bakar itu maknanya ia pula menggantikan Abū Bakar. Hal yang sudah terjadi.

Adapun Abū Bakar menimba dua kali itu, maksudnya: Ia akan hidup kira-kira dua tahun, dan

timba menjadi besar di tangan Umar itu, maksudnya: Zaman pemerintahan Umar lebih lama daripada Abū Bakar, dan Umar beri air sampai orang ramai puas itu, maksudnya: Dalam zaman Umar Islam tersebar lebih luas hingga berganda-ganda banyaknya manusia yang dapat merasa keadilan Islam. Semuanya ini telah berlaku.

12). Rasulullah (SAW) pernah bermimpi, bahawa ada yang menaruh sepasang gelang emas di tangannya. Baginda benci kepada gelang itu, kemudian dibenarkan baginda meniup gelang itu, lalu baginda tiup dan gelang yang sepasang itu pun terbang.

Baginda ta’birkan, bahawa akan keluar dua pendusta mengaku menjadi nabi.

Kata rawi hadith itu, pendusta yang berdua itu ialah al-Aswad al-‘Ānusī dan Musailamah al-Kazzāb.

13). Rasulullah (SAW) bermimpi melihat seorang perempuan hitam keluarga dari Madinah ke suatu tempat yang bernama Muhai`ah (Muhaibah?).

Baginda ta’birkan, bahawa penyakit wabak Madinah berpindah ke sana.

Selain dari yang tersebut ada lagi beberapa macam lagi mimpi Rasulullah sendiri yang dita’birkannya sendiri, dan ada pula mimpi orang lain yang dita’birkan oleh Rasulullah (SAW).

Ada pula mimpi seorang sahabat dita’birkan oleh seorang sahabat, lalu dibenarkan sebahagiannya dan disalahkan sebahagiannya oleh Rasulullah (SAW).

Oleh yang demikian, mengetahuilah kita, bahawa mimpi Itu mempunyai ta’bir yang bermacam-macam: Ada yang menurut zahirnya, ada yang dikiaskan dengan jalan tamsil ibarat,

ada yang dengan makna yang tidak disangka-sangka dan ada pula lain-lain macam caranya.

Jadi, ta'bir yang sebenarnya bagi tiap-tiap mimpi, tidak boleh didapati melainkan oleh nabi-nabi. Ada pun orang biasa, maka ta'birnya tidak tentu, kecuali perkara-perkara yang memang sudah masyhur.

Di dalam riwayat-riwayat dan hadis-hadis tentang mimpi dan ta'birnya itu tidak tersebut perintah nabi atau izinnya kepada seseorang mengerjakan sesuatu perkara kerana mimpi itu.

Terutama pada zaman kita ini sudah tentu tak boleh kita mengerjakan sesuatu perkara kerana mimpi. Umpamanya, sudah masyhur, bahawa orang yang bermimpi jatuh giginya itu akan kematian salah seorang dari orang-orang tuanya.

\* \* \*

Ada pun mengerjakan ibadat atau lain-lain kebaikan kerana bermimpi dengan mimpi yang baik itu memang ada tersebut di dalam hadis.

Di bawah ini tatap pula beberapa buah hadis mimpi yang berhubung dengan wahyu:

*Qālat 'ā'ishah: awwal mā badā bihi rasūlullah (ṣ)*

*min al-wahyy al-ru'yā al-ṣādiqah fi al-nawm.*

(H.S.R. al-Bukhari)

Ertinya: 'Ā'ishah berkata: Pertama-tama wahyu yang dimulai kepada Rasulullah (SAW) ialah mimpi yang benar (baik) di dalam tidur.

al-ru'yā al-ṣālihah juz'un min sittah wa 'arba'īn juz'in  
min al-nubuwwah

(H.S.R. al-Bukhari)

Ertinya: Mimpi yang baik itu ialah satu daripada

empat puluh enam bahagian nubuwwah (kenabian).

Hadis yang pertama menunjukkan wahyu yang pertama datang kepada Rasulullah (SAW) itu ialah dengan mimpi.

Hadis yang kedua menerangkan, bahawa mimpi itu sebahagian daripada kenabian (wahyu).

Dari sini boleh jadi timbul pertanyaan: Bahawa siapa dapat mimpi yang baik, bererti ia dapat wahyu, dan orang yang dapat wahyu itu jadi nabi.

Oleh itu mustahak diterangkan bahawa kalimah "Allahu Akbar" itu sebahagian daripada azan.

Maka adakah tiap-tiap orang yang menyebut perkataan itu dikatakan dia berazan? Tentu tidak!

Orang yang bersembahyang wajib membaca al-Fātiḥah dengan berdiri. Adakah tiap-tiap orang yang membaca al-Fātiḥah dengan berdiri itu dinamakan dia sembahyang? Tentu tidak juga.

Jadi begitulah di dalam perkara mimpi.

Sungguhpun mimpi itu sebahagian daripada perkara kenabian, tetapi dengan sebab seorang bermimpi itu tidak dapat dinamakan dia dapat wahyu atau jadi nabi.

Ketiadaan wahyu, nabi atau rasul, sudah Nabi kita Muḥammad (SAW) itu, diterangkan oleh hadis-hadis yang tersebut dalam tafsir "Ibn Kathīr" 6: 565 dan di dalam "Fath al-Bārī" 12:305 dan dalam lain-lainnya.

"Lam yabqa min al-nubuwwah illā al-mubashshirāt".

*Qālū: wa mā al-mubashshirāt? Qāla: al-ru'yā al-ṣālihah.*

(H.S.R. al-Bukhari)

Ertinya: "Tidak ketinggalan daripada (bahagian) nubuwwah (kenabian) melainkan mubashshirāt? Nabi menjawab: "Mimpi yang baik".

"*Anna al-risālata wa al-nubuwwah qad inqāṭa'at wa lā nabiyā wa lā rasūl ba'dī walākin baqiyat al-mubashshirāt*". *Qālū: wa mā al-mubashshirāt?* *Qāla: Ru'yā al-muslimīn juz'un min ajzā'i al-nubuwwah.* (H.S.R. Ahmad wa Ibn Mājah).

Ertinya: :"Jawatan Rasulullah dan Nabi itu telah putus, dan tiada sebarang nabi dan tiada sebarang rasul sesudah aku, tetapi ada mubashshirāt". Sahabat-sahabat bertanya: Apa yang dikatakan mubashshirāt itu? Nabi bersabda: "Mimpi orang-orang Islam itu satu daripada beberapa

bahagian nubuwwah (kenabian)".

Dengan dua keterangan ini sahaja sudah memadai bagi menetapkan, bahawa wahyu yang jadi satu daripada perkara jawatan nabi dan juga jawatan rasul, sudah tiada lagi setelah Nabi kita Muhammad (SAW) , kecuali mimpi yang baik.

Sebabnya mimpi yang baik itu dinamakan sebahagian daripada kenabian kerana dengan mimpi, manusia boleh mengetahui perkara yang akan datang sebagaimana nabi-nabi mengetahui hal-hal yang akan datang dengan perantaraan wahyu dari Allah, bahkan nabi-nabi sendiri juga ada bermimpi, tetapi kita boleh maklum sendiri, mimpi nabi-nabi yang Allah ajarkan ta'birnya dengan sempurna itu tidak dapat disamakan dengan mimpi kita yang hanya boleh disangka-sangka sahaja tentang ta'bir.



Menteri Pertahanan Abdul Razak tatkala melawat pasukan yang kedua Pasukan Pertahanan Persekutuan di Perak, baharu-baharu ini.